

Колхозин джилä кöдлмшин аш

Каспийск района „2-я яти-летка“ гидг загъсна колхозин джилä тоочана болн сунъгъврин хург болв.

Онъгрси джилд эн колхозин чледүд эврәннь гол тöрән—загъс анънлгъна зураг 90 процент күцäсн докладт темдлгдв. Загъсч болгън 106,6 центнер загъс бәрх зурата бääснä орчд, 95,6 центнер бäрдж.

Мал хäläджäсн колхозникуд шундж кöдлснä ашд, сән ашта болцхав. Бод мал—110 процент, хөн—168,6 процент, мөрн—122 процент öсв. Орн-нутгт орулдж öгх махна, ноосна, уснä зура цагасн öмв күцäгдв.

Хургт кесг кун босдж үг келцхäv. Эдн цугъар öнъгрси джилин дуту-дундиг темдглв. Загъсна зура эс күцäгдсн учрнъ—МРС загъс анънх зерзевär загъсчириг цаглань эс теткснä учр, зäрм колхозникуд дунд куч-кöлснä диг-даран ик сул болджав.

Тярәнәннь ургъц цаглань эс хурадж авси учрар колхозин ору тату болв, малин хашас бәрлгън болн яслгън хашнъгар кегднä. Тенъгст йовси загъсчир газетär, журналар муугъар теткгднä, кино хätär үзүлгднä. Тенъгсүр йовдж, хот-хол, умсх-зүүх, эд-тавр гуулгдг лавкс цөн, эдн загъсчириг муугъар теткнä. Эн тоот дуту-дундиг 1958 джил уруулх

кергтä гидж хургт үг келси улс заацхав.

Авси токтавртан колхозникуд 1958 джилд күцäх тодрхатöрмүд темдглв.

* * *

„Каспиец“ колхозин джилä тоочана хург деер үг келцхäсн колхозникуд колхозин правленä болн МРС-н кöдлмшиг шалгъдж келлдäl, эн, 1958, джил ямаран кевär кöдлмшән диилвртäгъär күцäхиг заадж, сүв-селвгән öгцхäv.

1958 джил зура батлд колхозникуд иим даалгъвр авцхав:

СССР-н Деед Советд сугъх—мартин 16 күртл загъс бәрлгънä негдгч кварталин зурагъан күцäх;

загъс бәрлгънä джилä зурагъан Октябрьск революцин 41 джилä öдн күртл күцäгъäd, декабрин 5 күртл зурагъасн давулдж 2000 центнер загъс бäрдж, орн-нутгтан орулдж öгх;

1958 джил тärä тärх газрән 190 га күргдж öскäд, га болгънас 184 центнер темс, 175 центнер эрдни-шишä, 15 центнер ичмä авх;

хөн болгънас 5 килограмм ноос киргъдж авх, 100 хөн болгънас 110 хургъ авх, салин укр болгънас 1200 литр ус авх, 100 укрäs 100 тугъл авх.

С.Г. ГОШЕНДАНОВ.